

**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non  
peraguntur, ves fusiore indigent explicatione, quomodo cum majori fructu  
peragi possint

**Limpens, Ferdinand**

**Coloniæ Agrippinæ, 1744**

§.1. Meditationis natura & partes.

---

---

**Nutzungsbedingungen**

[urn:nbn:de:hbz:466:1-54780](#)



## PARS TERTIA.

De operibus solidæque devotionis exercitiis, quæ vel quotidie non peraguntur, vel fusiore indigent explicatione, quomodo cum majori fructu peragi possint.

### CAPUT PRIMUM.

*De Meditatione.*

**Q**uia ad nil juvat in tanta ascetarum copia crambem toties coctam recoquere, adverti autem, quod non semper ea, quæ S.P.N. in lib. Exercit. Directorium in exercitia, aliquique asceta nostri de vario meditandi ac considerandi genere tradidere, feliciter occurrant memoriae, dum à sacerdotalibus ideo de variis interpellamus. In hoc *Vade mecum* pro supplemento memoriae aliqua delibare placuit tribus sequentibus §. §.

A

§. I mus.

§. imus.

*Meditationis natura & partes.*

**M**editatio est actio religiosa, per quam ex discussione alicujus historiæ, sententia, parabolæ, regulæ, præcepti, & cujuscunque deum supernaturalis veritatis voluntas ad pios affectus, vitæque reformatæ serium propositum excitatur, gratiaque ad illud exequendum à Deo vel immediate, vel per intercessionem B. V. Angelorum & Sanctorum postulatur. S. P. Noster meditationem vocat exercitium trium animæ potentiarum scilicet memoriae, intellectus & voluntatis. Ita tamen, ut memoriae nomine per analogiam tam apprehensio, quam iudicium de veritate aliqua intelligatur; & sic ad eam pertineat non tantum representare mysterium vel veritatem, sed etiam personas, verba, desideria, facta expendere; & iudicium de iis ferre. Per intellectum vero sola rationatio seu discursus indigitetur. Qui dein voluntatem ad varios affectus pertrahat, Congruè etiam ab aliis meditatio dicitur esse nervosa quædam Concio privati hominis ad semet ipsum; & hinc partibus quatuor constat.

ima est quasi *Exordium* (in quo Orator debet excitare & præparare animos suorum Auditorum ad ritè percipienda, quæ dicturus) & hoc consistit in oratione præparatoria [in qua petimus à Domino gratiam; ut vires atque operæ

tiones

tiones nostra omnes sincè ad ejus gloriam & cul-  
tum tendant. Ità S. P. N. ] & duobus præludiis.  
Primum est ratio quædam componendi loci se-  
cundùm materiam substratam ipsius meditatio-  
nis. Alius enim locus tibi fingendus est, dum  
meditaris de 4. novissimis, de peccatorum fœ-  
ditate, &c. & aliis, dum de Christo, cælo. Illa  
autem imaginatio vivaciter impressa multùm  
contribuit ad distractiones & animi evagationes  
impediendas. Secundum præludium est ; ut à  
Domino id postules, quod tibi expedit juxta pre-  
posta contemplationis argumentum. Ità S. P. N.

2da Pars est quasi *Propositio* cōsistens in ex-  
ercito memoriae modo suprà explicato. Scili-  
cet, ut non tantum recolatur veritas vel myste-  
rium meditandum, sed & expendendo perso-  
nas, verba, facta, judicium de iis feratur, & sic  
ad ratiocinationem via planetur.

3ta Pars est quasi *Confirmatio*, & est ratio-  
cinatio solida, nervosa etiam operosa ( dum  
necessè est ) de veritate vel mysterio proposito.  
Quæ vel ad singula puncta, vel in fine ex volun-  
tate eliciat potentes affectus amoris, aversionis,  
humiliationis, gaudii, tristitiae, &c.

4ta Pars est quasi *Peroratio seu Epilogus* ; in  
quo sicut Orator, repetitis rationibus & affecti-  
bus per concionem sparsis, animum auditoris  
omnino conatur expugnare, & ad hæc illa vel  
facienda vel omittenda efficaciter impellere;  
itâ sibi per privatam concionem hoc est medita-  
tionem, resumptis pariter rationibus & affecti-  
bus per decursum meditationis habitis, homo

inculcat hæc illa , & quidem cōdem die in praxi redigenda in his illis occasionib⁹, circumstantiis ; per hæc illa media , per hujus illius passionis vitii suppressionem , & virtutis implantationem , &c. Hujus autem naturæ meditatio non convenit omni modo seu praxi , de qua modò agetur, meditationem instituendi,

*§. 2dus.*

*Varii modi & praxes tum faciliores , tum operosiores meditationem instituendi.*

*Tres modi orandi à S. P. N. suggesti.*

*P*rima Praxis consistit in tribus modis orandi à S. P. N. suggestis , & est accommodator sive pro indoctis , sive pro iis , qui caput debile & fatigatum habent. *Primus Modus* est : ut , præmissâ oratione præparatoriâ , v.g. decem præcepta , opera misericordiæ , regulas , virtua capitalia , virtutes theologicas , aut alias morales , &c. percurras ; examines , quo pacto hæc illa servata , violata , commissa sint. De occurrentibus memoriæ delictis defectibus te accuses , veniam preceris , & gratiam petas melius v.g. deinceps præcepta , regulas servandi. Dein recites unum Pater & Aye. In singulis præceptis percurrendis vult S. P. N. tantum insumi temporis , quo ter percurri Oratio Dominica posset. *2dus Modus* est : ut , præmissâ oratione præparatoriâ , v.g. sumas pro materia medita-